

ቅ/በ/ቀ: አፍይሖት ረውዳት ለትክህሰት መሓደረት ትገብኝ

ፈርዖ ተዕለም አቅሊም ቅ/በ/ቀ ወራታት ተዕለም 2024/25 እንዲገመገሙ እንደሚችሉ በራምጅ ሙስተቅበል እግል ለሀደግ የም 18 አክቶበር እንደ ባጽዕ እተ ወደዩ እጅትማዕ፡ እንደ ሰነት ድረስት 2025/26 በራምጅ ከደማት ረውዳት እግል ለፍየሕ እብ ለትወቀሰት ደረጃት ክም ልትሸቁ ትሸረሐ።



መሰኦል ታዕለም ለፈርዖ እስታዝ ረሸድ መሓመድ ዑስማን፡ እተለ ተአስተብዔ ለሀሌት ሰነት ድራሰት ምስል ሙደረእ ሙዳርያት እንዲትመቀርሐው ዝያድ 25 አልፍ እጅኒት ለልአደርስ መአሰሳት እግል ልትብኔ በርናምጅ ክም ሀለ አፍሀመ።

አዶብሐ ወነቅፊ 3 ሓዳይሰ መአንብታይት ደረጃት መዳርስ ክም አስተብደድ፡ 3 ናይ መአንብታይት መዳርስ እት ባጽዕ፡ አፍባበት ወፎሮ ሀይ እት ምግባይት ክም ተዐደየ ወደሐ።

ዐቦት ክም ትሰጀለ፡ እግል ወቀሎት መቅደረት ሙደርሲን ሀይ ዝያድ 88% እግል ሓዳይሰ ሙደርሲን ተእሂል ክም ተሀየብ ትሸረሐ። መሸተርከት እት ትቀደመ ተቅሪር ሐቆለ ናቀሸው፡ መሻረከት አንሳት እት ታዕለም እግል ትትደቀብ፡ እት ምዳርያት ፎሮ ወገልዐሎ ቦርዲን

እግል ልትፈተሕ ክምሰልሁመ መሻክል መዋሳላት ወብንዮት ትሕተየት አብያት መዳርስ ለሰኔ እብ አግቡይ እግል ልትባሰር ለልብል አረእ ወፊናታት ቀደመው። እት ደንገብ ወኪል ወብረት ታዕለም አሰይድ ጴዮርስ ሀይለማርያም፡ እት አቅሊም ለሀለ

ምስለ ሀሌት መቅደረት ሙደርሲን እግል ዓቡዮት ወእት ታዕለም ብጹሕ ለሀለ ዐውቴታት ሐቆለ ሐመደ፡ በቃዕት ወመትመዳድ ታዕለም እግል ልትአከድ ሳድፍ ለሀለ መታክል እንዲ ተሐፊዘ መቅደረት እብለትሰመሐ ገብይ ሐል እግል ልግበእ ልትሸቁ ክም ሀለ አከደ።

እብ አሰሰለ ተቀሪር፡ እት ሰነት ድራሰት 2024/25 ስስ መዳርስ ከደማት ረውዳት ለአስተብደድ ዲብ ሀለዮ፡ እት ሙዳርያት አፍባበት፡

እምበል እት ወግንያይ እምተሓ 8ይ ለሐልፊው እብ ሐድ 20%

ልኡክ ኤረትዮ፡ ዲብ 19ፊ-ዋዕለ ውዘራእ ገዝ ለአለቦን ድወል ሻረክ

እብ ዳይመት ሰፊረት ኤረትርዮ ዲብ መዝመት ምጅልስ ቅራን አሰይደ ሶፊያ ተሰፋማርያም ለትለርሐ ልኡክ ኤረትርዮ፡ እት የም 15 ወ16 አክቶበር ዲብ ካምፓላ-ኡጋንዳ እትለ ገብእ 19ይ ዋዕለ ውዘራእ ሐረከት ገዝ ለአለቦን ድወል ሻረክ።



ሰፊረት ሶፊያ እትለ አሰመዐተ ከሊመት፡ እትለ መደት እለ ሚንአድም ጃሪ ለሀለ መጋብሀት-ሕበር፡ ኢረኪብ ሰላም ወአምን፡ መትሐዋራር ጂኦ-ሰያሰት፡ ዲብ ልትወሳዕ ለመጽአ ኢመሳዋት፡ ኢመስኩብት ድዋር፡ ክምሰልሁመ መትሀማሽ ግብለታይ ሰር-ምክባብ ምን ወራታት ቀራር ክም ከምክም ሸርሐት።

ልትሐሸም ምሀም ክምቱ ለሸርሐት ሰፊረት ሶፊያ፡ መግዋር ብዝሐ፡ መስኩብት መምበር፡ ክምሰልሁመ ሕፍዘት ሰያደት ናይ ኩለን ድወል፡ አታላላይ ናይ ሕበር ፍእየት ናይለ

ሐረከት እግል ልግባእ ክም ወጅብ ሳደቀት እቱ። “ኤረትርዮ፡ ናይ እቅትሳድ መተንኻብ ናሰ፡ ሐል እጅትማዕየት፡ መትሰዳዳይ ወሸራከት እድንዮ

እግል ትትአከድ ገለድ-ትፍድ’በ’ ለቤለት ሰፊረት ሶፍዮ፡ ምስል መሸተርከት ሐረከት ገዝ ለአለቦን ድወል ዲብ መጃላት ትጃረት፡ ዐደዮት ቴክኖሎጂ፡ ክሰአት ማል ዲብ መቅደረት አዳም ወብዕድ ለትወደዮ መዓወነት እግል ትተረድ ክም ትከድም አብርሀት።

እንዲ ትብሀሉ፡ እለ መግዋር ለከይድ ሕዳድ ለአለቦ ምስዳር፡ ዲብ ናይ መንጠቀት ወእዲነ ዲብ ኢመስኩብት ሰበት ለአተጅሁ፡ ኤረትርዮ ክም ትትቃወሙ አብርሀት። ሐረከት ገዝ ለአለቦን ድወል፡ መናፍዕት ዲብ ጠወርት ለሀለዮ ድወል እግል ልትአከድ እት ሰነት 1961 ለቁመት ወ121 ነፈር ለከምከመት እት ገብእ፡ ሐቆ መዝመት ምጅልስ ቅራን ለቤት መናፍዕት ጂኦ-ሰያሰት እግል ልሰበቅ

ድወል - ነአይሽ ልግብአ ወዐባይ፡ ናይ ሰያደት ሕቁቀን፡ ሕርየተን ምልክየት ውሕደተን ወናይ ቀራር ሰልጠተን እግል

ከቦር እስትሸሃድ

ገዲም ምናድል እዮብ ቀሪን አስትሸሀደ። ነፈር ፈርዖ ውብረት ዐመል ወመንገሮ እጅትማዕየት አቅሊም ምግብ ገዲም ምናድል እዮብ ቀሪን ተሰፋሚካኤል የም 21 አክቶበር እት 69 ሰነት ዕምፋ አስትሸሀደ።



ዲብ ጃንዋሪ 1975 እት ቅዋትሸዕብየት ተሕሪር ኤረትርዮ ለትሐበረ ምናድል እዮብ፡ እት ዳሽ ሐርብ ወወራታት እጅትማዕየት እብ ለትፈናተ መስኦልያት እግል ሸዕቡ ወወጠኑ ለከድመ ምሕርባይ ቱ። ሸሃድ እዮብ ቀሪን በዓል ፈሪዕ ወአብ 5 ውላድቱ። ዓደት ቀብሩ ሀይ የም ማሌ 21 አክቶበር ሳዕት 4:00 አልዐሰር እት መቅበረት ሸሀደእ አሰመረ

ተመት። ፈርዖ ዐመል ወመንገሮ እጅትማዕየት አቅሊም ምግብ እብ እስትሸሃድ ገዲም ምናድል እዮብ ቀሪን ለትሰምዕዩ ሐዘን ዲብ ሸርሕ እግል ዓይለቱ ወናይ ንዓል መልሀዮሙ ሰብር ለሀበኩም ልብል።

ዐረዘ፡ አዝረአት እት ሓለት ሰኔት ክም ሀለ ትሸረሐ

ዲብ ሙዳርያት ዐረዘ የም ዓመት እብ ዐለት ከሪም ቅዝር አዝረአት ወመሸፈል ክምሰልሁመ ከዛናት እት ደረጃት ሰኔት ክም ሀለ መሰኦል ሐርስ ናይለ ሙዳርያት አሰይድ ምሕረቱ አርእየ ሸርሐ። ምን እግል ልትሐረሰ ለትሰተተ 14,955 ሄክታር ለዝያድ 95% እክል፡ ቅርጡዋ ወአዝረአት ዜድ እንዲ ተሐረሰ ዲብ ደረጃት ሸዌት ክም ሀለ ሸርሐ። ሐረሰቶት ለበሽለ ዘርኦም እብ

ሸፋግ እግል ልብተኮ ወለአክቦ እንዲ አትፈቀደ፡ ለትረእ ባልዲን ፈድል ሐብራ ሸፍገት ወአድወየት ካሬ ውብረት ሐርስ ሐን መረቀቡት ክም አተ ሐበረ። ሓለት ካዛናት ማይ አብ ከሰሰ ሀይ፡ ከዛናት ወአሸራም ካሬ ማይ ጸብዋ ክም ሀለ እንዲ አሸረ እብ ለትፈናተ አሰባብ ምን ክዳማት ባዋር ለዐለ እህተማም እግል ልትሀየቦ አትፈቀደ። እት ደንገብ አሰይድ ምሕረቱ።

የም ዓመት እብ ገብአት ፊራሮ ፍድኢት ሐድ 32 አልፍ አግል ወአግዕዕ ዝያድ 1800 አክላብ ፍድኢት ክም ተሀየብ እንዲ አሸረ፡ ንዋይ እብ ገብአት እለን መራዐየት ክምሰልሁመ መሸፈል እት ደረጃት ሰኔት ክም ሀለ ወደሐ። እለ ከእነ ዲብ ሀለ እተ ሙዳርያት ዲብ 1590 ሄክታር ወራታት ዐቂብ ማይ ወትርበት እብ ሸዕብ ወደረሰ ክም ሰርገለ ለትረከበት ሐብራ ተአፍሀም።

ወዘረት ፈውዚያ ሃሽም ምስል ምስል ልጃን ዕራት ኢ/ምግብ ተሀድግ

ወዘረት ፈውዚያ ሃሽም፡ ምን 06 አሰክ 16 አክቶበር እት አቅሊም ምግብ ምን 13 ምዴርያት መዲነት አሰመረ፡ ክምስልሁም ምዴርያት ሰረጸቀ፡ በሪኽ ወጋላ-ነፍሐ ለትሐረው ልጃን ዕራት እግሎም እጅትማግት ወዳት።

ለሀድግ፡ ምስል አትሳናይ እግቡይ ባልሐት ቅደይ እንዴ ትቃረኑ፡ ልጃን ዕራ እብ ደረጀት እዳራት ደዋዬሕ ምን ቁመ ሐድ ሰነት ሰበት ወደ፡ ወራታቱ ከአፎ ልጃር ክም ሀለ እብ ድቀት እግል ልትጌመም ለአመግቱ።

እብ አሳስ አሊ፡ ልጃን ወምስሎም ለሸቁ ዲብ ለትፈናተ ሰልጣት ለሀለው አጅሀዘት ሕኩመት፡ መናፍቅት፡ ተጃርብ ሰኔ፡ መታክል ወአግቡይ ባልሐቱ ለከሰስ ጌማም ወደው።

እምበል እሊ፡ መሻርከት ዲብ ቃትን ዓይሉት ኤራትርያ እግል ልትከምም



ለወጅቡ አርእስ ወተፋሲሉ ሐቆለ ወደወ ህድግ-ፋዬሕ፡ ውፋቅ ናይሊ አሳስ መጅተማዕ ወደውለት ላተ ዓይሉት ለለአደምን ወፍንጌር ለከርዕ እንዴ ትበሀለ ዲብለ ልትቀደም አፍካር ወረአይ ሀድገው።

ዲብለ መናሰበት ወዘረት ፈውዚያ፡ ንዳል ሕርያትን ዲብ ሸብ ለትአሰሱ፡ መጅተማዕ ለአሻረከ

ወሸብ ለመልኩ ክም ዐሊ፡ ስደደት መጅተማዕ ሸከረት ንዳል ሕርያት ሸብ ኤራትርያ ክም ዐለት እንዴ ሐበረት፡ እትሰ ለሀሌን ኦቱ ዘበን፡ ሕፍዘት ወረበየት ሰዋልፍ ወቅየም፡ ጋብሆት ገበዩ ለሸክፈ ጋራት፡ ውፋቅ፡ መስኩበት፡ ውሕደት ወወግር ሸብብ እግል ልትደመን፡ ምን ሸብብ፡ እብ ሸብ ወእግል ሸብ ለገብእ ክምቱ፡ እሊ እግል

ልትዐወት ውዛረት ዐድል እግል ትክደም ክምቱ አክደት። አሰክ እለ ለገብእ ጌማም፡ መዐየ ለአሳሱ ንዛም ዐድል እግል ልተረድ ደር ምህም ክምቡ ለሐበረት ወዘረት ፈውዚያ፡ ፍቴሕ እግል ልትአክድ መሻረከት ሕበር ሰበት ጠልብ፡ ኩለን ጀሃት ዶረን እብ ፈዛዕት እግል ለአግደየ አትፋቀደት። ዕራ፡ እግል ክልኡ-ለጀህት ለረይሕ፡

ሐል ዳይም ለለአመጽኡ፡ ክምስልሁም አከይ-መቅሬሕ ወወገብ እግል ዲመ ሐል እንዴ ረክበ ውሕደት መዋዋሊን ለለአደምን፡ አርት ምንለ ለንትሐበን እብ ሰዋልፍ መጅተማዕ ኤራትርያ ቱ።

እት አቅሊም ምግብ ዲብለ ሀለየ 83 እዳረት ዳሕየት፡ እብ ዓመት 415 ልጃን ዕራት እንዴ ትሐረ ውራታቱ ሰርግል ሀሊ።

ወዘረት ሐርሱ፡ እት የም 14 አክቶበር ዲብ ወጠንያይት መአሰሰት ብሐሱ ሐርሱ ሐልሐሌ አምዕል ሐረሰቶት ዐየደት።

ዲብ በርናምጅ፡ ሐረሰቶት ዘርእ ወጃብ እንዴ ትነፍዐው እግል በርከት እተየም ወድወ ለሀለው ወራታት እብለ ከሰሱ፡ ክምስልሁም ሕማማት ለልክህል

ወዘረት ሐርሱ፡ ዲብ ወጠንያይት መአሰሰት ብሐሱ ሐርሱ ሐልሐሌ አምዕል ሐረሰቶት ዐየደት

ወዘረት ሐርሱ፡ እት የም 14 አክቶበር ዲብ ወጠንያይት መአሰሰት ብሐሱ ሐርሱ ሐልሐሌ አምዕል ሐረሰቶት ዐየደት።

ዲብ በርናምጅ፡ ሐረሰቶት ዘርእ ወጃብ እንዴ ትነፍዐው እግል በርከት እተየም ወድወ ለሀለው ወራታት እብለ ከሰሱ፡ ክምስልሁም ሕማማት ለልክህል

10 ጅንስ ሸንሬይ ዲብለ ገብእ ወራታት ብሐሱ ወፍገራቱ እብ በዐል-መቅደረት ሸራሕ ትቀደመ።

እምበል እሊ፡ ዲብ አትባዘሐት ዘርእ ዐተር፡ ፋሱልየት፡ ድንሹ-ጥዑም ወሐምሌ-ክደን ወጃብ ለገብእ ብሐሱ ወፍገራቱ፡ ክምስልሁም ዲብ ወራታት ባዮ-ጋዘ፡ አትባዘሐት ዐለፍ አክደር፡ ወራታት ወጀርቤ

ሸፍር-ጠቢዐት ለገብእ ወራታት ለከሰስ ተውዴሕ ተሀየቡ።

ምዲር ዓም ቅሶም ከደማት ቀዋሊን ወመራቀበት አሰይድ ተኸለአብ ምስግን እትለ አሰመዐየ ከለመት፡ ውዛረት ሐርሱ ደማነተ ለተአክደት መነት እብ ጅንስ ወብዘሐ ዲብ ኩሉ እግል ትብጻሕ ወድዩ እትለ ሀለ ጅህድ፡ ወራታት

ወጠንያይት መአሰሰት ብሐሱ ሐርሱ ሐልሐሌ ሐመደ።

መስኡል ወጠንያይት መአሰሰት ብሐሱ ሐርሱ ሐልሐሌ አሰይድ ጸጋይ ሀይሌ እብ ጀህቱ፡ መናበረት ሐረሰቶት እግል ትሐሲ፡ እብ አሳስ ጠላብቶም ዲብ እክል ወቅርጠ-ጥ ብሐሱ እንዴ ገብእ ልትሀየቦም ክም ህሊ፡ ወለተአትናይት ፍገሪት ትትረከብ ምኑ ክም ህሌት

ሐረሰቶት ዲብለ ቀደመወ ረአይ፡ እብ ብሐሱ ለሐልፈ አዘርአት ፍገሪት-ሰይት ክምቡ እንዴ ሸርሐው፡ እተየም እግል ልዓቡ ክም ትከደም አክደው።

ዲብ ምዴርያት ድባር ወሀሌት ወጠንያይት መአሰሰት ብሐሱ ሐርሱ ሐልሐሌ፡ ምን አሰመረ 30 ኪሎ-ምትር ራይመት ህሌት።

ዲብ ግብለት ሶዳን፡ እት አተራድ ወጠንያይ መትነዛማት ልትሀደግ

መስኡል ሸኡን ጃልያት ወመጅተማዕ ዲብ ግብለት ሶዳን አሰይድ ረመዳን አሕመዲን፡ እት የም 12 አክቶበር ዲብ ጃብ መትነዛም ወጠን እግል ልተረድ ለረከዘ እጅትማዕ ወደ።

ለምስል አንፋር ልጃን ጃልያት፡ ልጅነት መሕበር ወጠን አንሳት፡ መመቅርሐት ተናዘም ሸባብ ጅብህት ሸብብየት እግል ዲሞቅራጥየት ወዐዳላት ለገብእ እጅትማዕ፡ ዲብ አሳሰያይ ስትራቴጅያይ አህዳፍ 4ይት



ጸረተርያዕ ጸሓብ

ክል አርቡዕ ለትጠ'በዕ ጀሪደት

መዳልያይ፡- መሐመድ እድሪስ

ለይአውት ወአርተዖት * ዘሀረ ዐሊ * ፋዋን አድም

ተለፎን፡ 121797/201820 (258)
ፋክሱ፡127749፡ ዕ.ሰ.ቡ፡ 247


ተውዝዕ ጀሪደት፡
ተለፎን፡163471-07588045

አትአመርት፡
ተለፎን፡ 125013፡ ዕ.ሰ.ቡ፡ 1284

ጀብህት ወተናዘም ወጠን እግል ልተረድ እግል ልትነሳእ ዲብለ ወጅቡ መባደራት ለረከዘ ዐሊ። አሰይድ ረመዳን እትለ ቀደመዩ ተውዴሕ፡ አህዳፍ 4ይት-ጀብህት፡ ትርድት ሀውየት ወጠን ወፈዛዕት ለመልክ፡ ውሕደቱ ለለሐፍዝ ወምስል ደውለቱ ዕላቀት ትርድት ለቡ፡ ዲብ ብንየት ወሐሸሞት ስደሰት ደውለቱ ደር ምህም ለቡ፡ እብ

ድራሰት፡ ምህነት፡ መቅደረት እቅትሳድ ወናይ ሕበር መምበር ለልትአመር መዋዋን እግል አክደት ክምቱ ሸርሐ። እት ካርጅ ለኩበር መዋዋን፡ በራምጅ ብንየት ወጠን እግል ልትዐወት ደር ምህም ክምቡ እንዴ አፍሀመ፡ እሊ እግል ልትአክድ ተናዘም እግል ልተረድ ምህም ክምቱ ሐበረ። ቁንሰል ኤራትርያ ዲብ

ጅምሁርየት ግብለት ሶዳን አሰይድ ጸጋይ መሐሪ ወመስኡል ልጅነት ወጠን አሰይድ ማርቆስ መርሃጺን እብ ጀህቶም፡ ተናዘም ወጠን እግል ልተረድ ለረከዘ ቤንያይ አፍካር ወአራእ ሀበው። መሻርከት ህዩ፡ ቤንያይ አፍካር ወአራእ እንዴ ቀደመው፡ ምኖም ለልጠብ እግል ሊደው ዱሉያም ክምቶም አክደው።



ጅግራታት ከረም ግራሰ-ፍት አቅሊም ምግብ ተመ

** ፍረቅ በሪኽ ወአክርዮ ለአሽብርቆ **

እት አቅሊም ምግብ 16 ምዕርዮት ለሻረከዮ ዲቡ ጅግራታት ርደደት ግራሰ ፍት ነአይቭ፡ ለሐልፊት ሰንበት ንኢሽ 18 አክቶብር ምን ገጽ አሰቦሐ እት ሰታድዩም አስመረ ተመ።

እት ምዕል ለሀ፡ ናይ ውላድ ፍረቅ ኩረት እግር ምንተሐት 17 ሰነት ምዕርዮት አርበዕቴ አስመረ ወቲራቮሎ ናይ ካስ ትልህዩ ነሃዮት ወደው። ፈሪቅ አርበዕቴ አስመረ ህዬ 4-3 እንዴ ተወተ አወላይ ፈግረ። ቲራቮሎ ወአክርዮ ህዬ መዳልያት ወርቅ ወነሓስ ትሰርገው።

እምበል እሊመ፡ ምን ቀደም እለ ለተመ ጅግራታት፡ ሕድ እንዴ ትታክ እት ነፍሰ ለምዕል ጀዋእዙ ተህዩቡ። እብ አሳስ እለ፡ እት ምግር 16-17 ሰነት አዋልድ፡ ፈሪቅ አክርዮ እግል ሰምበል ወበሪኽ እንዴ በድረዮ አወላይት ተወተዩ።

እት ናይ ምንተሐት 15 ሰነት አዋልድ፡ ገጅረት፡ አክርዮ ወጸጸራት፡ እት ነፍሱ ለዕምር ምን ውላድ ህዬ፡ ጸጸራት፡ ፓራዲዞ ወገዛባንዳ ምን አወላይ አስክ ሳልሳይ ተርቲብ ለጸብጠው ቶም።

ምንተሐት 13 ሰነት ምግር



ዲቡ ህዬ፡ ምን አዋልድ፡ ጎዳይፍ፡ ጸጸራት ወአርባዕቴ አስመረ፡ እብ ጀህት ውላድመ፡ አክርዮ፡ አባሻውል ወጎዳይፍ ተወተው።

እብ ዕመማይ ትልህያታት ኮበሪት እግር ህዬ፡ እዳረት ምዕርዮት አክርዮ፡ እግል ሰልፍ ኢነተ ሀርመ ሻምፕዮን እንዴ ገአት ደዋር ካስ ትሰርገኑ።

እብ ጅግረ ዐጀላት፡ አዋልድ ወውላድ እት ምግር ምንተሐት 13 ሰነት፡ ምንተሐት 15 ሰነት፡ ምንተሐት 17 ሰነት፡ ምን አወላይ አስክ ሳልሳይ ለፈግረው መትጃግረት መዳልያት ወማል

ጀዋእዙ ነስአው። እብ ደረጃት ፈሪቅ ህዬ፡ ምን ውላድ ምንተሐት 13 ሰነት ምግብ መዲነት፡ እት ምንተሐት 15 ሰነት ገጅረት፡ ወምን ምንተሐት 17 ሰነት ህዬ ሰምበል አወላደም እንዴ ፈግረው ተወተው።

ምን አዋልድ በሪኽ፡ እት ሰለስ ደረጃት ምግር ምን መትጃግረቶም እንዴ ሕሰው፡ ሀርመ ጅግራታት ግራሰ ፍት አቅሊም ምግብ ሰነት 2025 ገብአዩ። እት ሰዐይ፡ ምግር 12 ወ13 ሰነት፡ እት 50፡ 100፡ 200 ወ400 ምትር ለትወተው አትሌታት ምን ክልኢቱ ውላድ

ወአዋልድ ጀዋእዙ ትሰርገው። እብ ፍረቅ፡ ምን ናይ አዋልድ ፍረቅ በሪኽ፡ ወምን ናይ ውላድ ህዬ ጋለ-ነፍሐ ሻምፕዮን እንዴ ገአው ካሳት ዐባዩ ነስአው።

እት ምግር 14 ወ15 ሰነትመ፡ እት ናይ 100 ወ1000 ምትር እብ እለ ትመሰል ፍገሪት ምን ክልኢቱ ውላድ ወአዋልድ ምን አወላይ አስክ ሳልሳይ ለገአው አትሌታት ጀዋእዙ ነስአው። ምን ፍረቅ ህዬ፡ አርባዕቴ አስመረ እብ አዋልድ፡ ወጋላ-ነፍሐ እብ ውላድ ሻምፕዮን ገአዩ።

ምን ምግር 16 ወ17መ፡ እብ

ሕድ ሹቡህ ናይ ክልኢቱ ውላድ ወአዋልድ እት ናይ 800 ወ3000 ምትር ለሰልፋደም ሰለስ ዕውታም ጀዋእዙ ነስአው። ምዕርዮት በሪኽ እብ አዋልድ ወምዕርዮት ጋላነፍሐ እብ ውላድ ሻምፕዮን ገአዩ። ዕውታም ህዬ ምን ኢሊምፒካደም አትሌታት ዘርእሰናይ ታደሴ፡ ተኸሌማርደም መድሕን ወደልሺ ተሰፋ ጀዋእዙም ትከብተው።

እብ ምትር እብ ሰልሴቱ አጅናሰ ርደደት እዳረት ምዕርዮት በሪኽ፡ ሻምፕዮን ሰነት 2025 እንዴ ገአት፡ ካስ ደዋር ነስአት።

ሀደፍ ናይ እለ 676 አዋልድ ለዐለዩ ዲቡ ወእብ ምትር 1926 ለገብአ ደረሰ ለሻረከው ዲቡ ጅግረ፡ አጅኒት እት ናይ ከረም ወቅት ዕርፎም ዲቡ ኢለአትሐዜ አካናት ወወራት ጀላብ እግል ኢለሓላፋ፡ እብ ዐቢህ ህዬ፡ እግል አቃሊም ወዱለት ለወክሎ በዲል መተልህዮት ሸባብ እግል አፍሪዮት ክምቱ፡ መስኩል መታብዕት ፈደሬሽናት ርደደት ምዕርዮት አቅሊም ምግብ አስይድ ሰግራ ዮሃንስ ወዲሕ። ለትመጽእ ሰነት ህዬ፡ ለታርፍ ሀለ ፈደሬሽናትመ እት ጅግረ ግራሰ-ፍት እግል ልኢቱ ክምሰል ቱመ ሐበረ።

ኤልክላሲቲ፡ በርሴሎፍ እብ ሰብሮ፡ ፊደብደም መተልህዮቱ ካስርህለ

ፈሪቅ በርሴሎን ለትመጽእ ሰንበት ንኢሽ እት መዲነት ጂርና ናይ ላሊጋ ትልህያሁ እግል ሊዴ እት ልትዳሌ ዲቡ ለሀለ ወክድ፡ ለሐቆ ሳምን እት ሳንትዮጎ በርናቡ ቅባል ርደደት-ማድሪድ ለወደዮ ጅግረ ኤልክላሲት እንዴ አወዴ፡ እብ ሰብሮ ሰብሮ ብዝሓም ምን ዋቅያም መተልህዮቱ እግል ሊቂቦ ሰበት ቱ፡ በደላህም ለአትቃምት ክም ሀለ ተአመረ። ምን መተልህዮት፡ ለዋንዶውስኪ፡ ምን እድንደይ ጅግራታት ክም


አቅበለ ናይ አሰውድ ምሽለት ዋዲ ክም ሀለ ለሐብር። ዳኒ አልዋ፡ ጋብ፡ ላሚኔ ያማል፡ ፊርማን ሎፔዥ፡ ራፊንሃ፡ ጃኦ ጋርሸዮ፡ ማርክ-አንድሬ ወቴር ስቴገን ምን ቀደም እለ ምን ትልህያ ፋግራም ለሀለው ቶም። እሎም ቃይባም መተልህዮት ፈሪቅ በርሴሎን፡ 30 ምእታይት ናይለ ፈሪቅ ገብኡ።

ጋርሸዮ፡ ቴር ስቴገን ወጋብ፡ ሐቆለ ወደዉ ዐመልያት ኡብራክ፡ እንዴ ሐዩው እት ትልህያ እግል ለአቅብሎ

ልሰዕ ናይ አውረሐት ወቅት እግል ለአትሐዝዮም ክም ቱ ልትሀደግ። ለዋንዶውስኪ ወአልዋ'መ እትለ አግደ ጅግረ ኤልክላሲት ኢሻርኩ።

ለፈሪቅ፡ ያማል ወሎፔዥ እግል ልትሐብሩ ልሰኡ። ክልኢቶም እትሊ አዜ ወደዉ መትላማድ ህዬ ሐዩው መኢፋሎም እግል ልትደለው ቱ።

እት ሽኩክ ለህሌት ህዬ ምዝባዋ ራፊንሃ ተ። ቀደም ሰለስ ሳምን እት ቅባል ፈሪቅ አሽዶዶ ለገብአት ትልህያ ቱ።



እንዴ ትዘበጠ ምን እለ ትልህያ ናይለ ትመጽእ ሰንበት-ንኢሽ ቀይብ ለሀለ።

ፈሪቅ በርሳ፡ እት ሐልፊዮ ደርብ-ሕድ ክልኢ ትልህያ፡ እት ሻምፕዮንስ ሊግ እብ ፒኤስጂ 2-1፡ ወዲብ ላሊጋ'መ እብ ሴቭዩ 4-1 ቅሎብ ሀለ።

ፈሪቅ ርደደት ማድሪድመ፡ እት ሐልፊት ሰንበት ምስል ጌታፊ እት ወደዮ ትልህያ፡ ብዝሓም ምን መተልህዮቱ እግል ለአሻርክ ኢቀድረ።

መዳፍዳይ ዲን ሁይሰን ቀደም ክልኢ ሳምን ቅባል ሺለርያል እት ገአት ትልህያ ፈሪቁ፡ እት

እግር ገለቡ ሰበት ትዘበጠ፡ ቴለሎ ድሎይ ኢሀለ።

ዣቪ አሎንዶ ደርብ ለሀለ ፈሪቅ ርደደት ማድሪድ፡ አርበዕ ተራሲት ሰበይ ኢሀለው፡ ዝያደት እት ክጠረት ኩፋይ ሀለ። ቀደም እለ ላቱ፡ ዳኒ ካርሻሃል፡ አሌክሳንደር አርኖልድ፡ አንቶንዮ ፍድሪር ወፈርላንድ ማንዲ በረ ምን ትልህያ ጋብኦም ሀለው።

ፈሪቅ ርደደት ማድሪድ፡ እብ ክልኢ ንቅጠት በርሴሎን እንዴ በድረ፡ እብ 21 ንቅጠት ፍረቅ ደውሪ ላሊግ መሬሕ ሀለ። ሺለርያል እብ 16 ንቅጠት ሳልሳይ ደረጃት ሀለ።

